



14 December 2007

Annwyl Gyfaill

Ymgynghoriad - Pwyllgor ar y Gorchymyn Arfaethedig ynghylch Gofal Cartref - *Gorchymyn Cynulliad Cenedlaethol Cymru (Cymhwysedd Deddfwriaethol) (Rhif 4) 2008* mewn perthynas â chodi tâl am Ofal Cymdeithasol dibreswyl (Gofal Cartref)

Sefydlwyd y Pwyllgor ar y Gorchymyn arfaethedig ynghylch Gofal Cartref ar 5 Rhagfyr 2007 i ystyried a chyflwyno adroddiad ar y *Gorchymyn arfaethedig Cynulliad Cenedlaethol Cymru (Cymhwyster Deddfwriaethol) (Rhif 4) 2008* mewn perthynas â chodi tâl am Ofal Cymdeithasol Dibreswyl (y 'Gorchymyn arfaethedig'). Yn ei gyfarfod ar 13 Rhagfyr 2007 cytunodd y Pwyllgor ar y cylch gorchwyl canlynol -

I ystyried:

- Egwyddorion cyffredinol y Gorchymyn arfaethedig ac a ddylai cymhwysedd deddfwriaethol yn y maes a ddynodwyd ym 'Mater 15.9' gael ei roi i'r Cynulliad; a
- Amodau'r Gorchymyn arfaethedig, ac yn benodol a ydynt wedi'u diffinio'n rhy eang neu'n rhy gyfyng.

Ysgrifennaf i'ch gwahodd i gyflwyno tystiolaeth i'r Pwyllgor fel cefndir i'w waith. Wrth gyflwyno eich adroddiad fe fyddai'n fuddiol pe gallech roi sylw i'r canlynol:

1. Beth yw eich barn am yr egwyddor cyffredinol bod cymhwysedd deddfwriaethol yn y maes a ddynodwyd ym Mater 15.9 yn cael ei drosglwyddo i'r Cynulliad?
2. Beth yw eich barn am amodau'r Gorchymyn arfaethedig e.e a ydynt wedi'u llunio'n rhy eang neu'n rhy gyfyngedig?
3. A ydych chi'n ystyried bod y materion a eithriwyd yn atal effeithiolrwydd unrhyw Fesurau arfaethedig yn y dyfodol a fyddai'n cael eu dwyn ymlaen o dan Fater 15.9? Os ydych, esboniwch pam os gwelwch yn dda.

Prif ddiben y Pwyllgor yw ystyried a ddylai'r Cynulliad fod â grym, o ran egwyddor, i ddeddfu trwy Fesur yn y maes a ddynodwyd yn y Gorchymyn arfaethedig, h.y codi tâl am ofal cymdeithasol dibreswyl. Fodd bynnag, nid ydyw o fewn cyfrifoldeb y Pwyllgor i ystyried y modd penodol y dylid arfer y grym, pe byddai'n cael ei drosglwyddo. Bydd manylion unrhyw Fesurau

yn y dyfodol a gaiff eu dwyn ymlaen o ganlyniad i roi cymhwysedd deddfwriaethol yn y maes hwn yn fater ar gyfer craffu arno gan y Cynulliad maes o law.

Mae copi o'r Gorchymyn arfaethedig a'r Memorandwm Esboniadol sy'n mynd gydag ef yn amgaaedig yn **Atodiad 1**. Gellir gweld fersiwn electronaidd o'r dogfennau hyn ynghyd â gwybodaeth ar y broses ddeddfwriaethol a manylion am y Pwyllgor yn <http://www.assemblywales.org/bus-home/buslegislation.htm>

Fel y nodwyd yn y Memorandwm Esboniadol, mae'r diffiniad o ofal cymdeithasol (a lles)sydd i'w ddefnyddio ym Maes 15 wedi'i nodi yn y Gorchymyn arfaethedig mewn perthynas â Phlant sy'n Agored i Niwed a Thlodi mewn Plant (*Gorchymyn Cynulliad Cenedlaethol Cymru (Cymhwysedd Deddfwriaethol) (Rhif 3) 2007*) sydd hefyd yn ceisio gosod materion yn y Maes hwn. Mae rhai o'r materion a eithriwyd, a gynhwysir yn y Gorchymyn arfaethedig mewn perthynas â Phlant sy'n Agored i Niwed a Thlodi Plant hefyd yn gymwys i'r Gorchymyn arfaethedig mewn perthynas â chodi tâl am Ofal Cymdeithasol Dibreswyl. Mae'r darn perthnasol o'r Gorchymyn arfaethedig mewn perthynas â Phlant sy'n Agored i Niwed a Thlodi mewn Plant yn amgaaedig yn **Atodiad 2**.


Os ydych yn dymuno cyflwyno tystiolaeth anfonwch gopi electronig o'ch cyflwyniad at [swyddfadeddfwriaeth@wales.gsi.gov.uk](mailto:swyddfadeddfwriaeth@wales.gsi.gov.uk) a rhoi'r teitl *Ymgynghoriad Gofal Cartref LCO*. Pe byddai'n well gennych anfon eich cyflwyniad fel copi caled, anfonwch ef at Ruth Hatton, Dirprwy Glerc Pwyllgor, y Swyddfa Ddeddfwriaeth, Cynulliad Cenedlaethol Cymru, Bae Caerdydd CF99 1NA.

**Y dyddiad cau ar gyfer derbyn cyflwyniadau yw dydd Gwener 25 Ionawr 2007. Ni fydd yn bosibl ystyried ymatebion a dderbynnir ar ôl y dyddiad hwn.**

Wrth baratoi eich cyflwyniad cofiwch hyn os gwelwch yn dda:

- Dylai eich ymateb fod mor gryno ag sy'n bosibl. Rhwch gyfeirnod ar eich ymateb gan ddefnyddio'r teitl a nodwyd uchod.
- Mae'r Cynulliad Cenedlaethol yn arferol yn sicrhau bod ymatebion i ymgynghoriadau cyhoeddus ar gael i gael eu craffu gan y cyhoedd, a gallant hefyd gael eu gweld a'u trafod mewn cyfarfodydd Pwyllgor. Os nad ydych am i'ch ymateb neu'ch enw gael ei gyhoeddi mae'n bwysig eich bod yn pwysleisio hyn ar ddiwedd eich cyflwyniad.
- Nodwch a ydych yn ymateb ar ran sefydliad neu fel unigolyn, os gwelwch yn dda.
- Nodwch os gwelwch yn dda a fydddech yn barod i roi tystiolaeth lafar i'r Pwyllgor.

Os oes gennych unrhyw ymholiadau cysylltwch â'r Clerc, Liz Wilkinson (ffôn: 029 2089 8025) neu Ruth Hatton, y Dirprwy Glerc (ffôn 029 2089 8019).



Joyce Watson AC  
Cadeirydd y Pwyllgor

Tel: 029 2089 8025 GTN: 1208  
Llinell Union / Direct Line: 029 2089 8025  
Ffacs / Fax: 029 2089 8021  
Minicom: 029 20823280  
E-bost / E-mail: [legislationoffice@wales.gsi.gov.uk](mailto:legislationoffice@wales.gsi.gov.uk)